

六藝之一錄

一八

六書之一

六

總校官檢討臣何思鈞

校對官中書臣陸湘

騰錄監生臣徐瑤

欽定四庫全書

六藝之一錄卷三十九

錢唐倪濤撰

石刻文字十五

沛縣漢高祖廟碑

沛縣有漢高祖廟廟前三碑後漢立廟基以青石

為之階陞尚存

水經注

泗水亭高廟碑

泗水南逕小沛縣東岸有泗水亭漢祖為泗水亭長

即此亭也故亭今有高廟廟前有碑延熹十年立廟

闕崩褫畧無全者水中有故石梁處遺石猶存

水經注

漢高祖感應碑

在豐縣北延熹十年豐令劉亶立

天下碑錄

許由廟碑

潁川箕山有許由廟碑闕尚存是漢潁川太守朱寵

所立

水經注

二妃祠碑

湘水上黃陵廟民為立祠於水側荊州牧劉表刊石

立碑樹之於廟

水經注

比干墓碑

朝歌縣牧野有殷大夫比干冢前有石銘題隸云殷大夫比干之墓所記惟此今已中折不知誰所誌也

水經注

夷齊廟碑

首陽山上有夷齊廟廟前有二碑並是後漢河南尹

廣陵陳導雒陽令徐循與處士平原蘇騰南陽何進

等立

水經注

汲縣太公廟碑

縣故汲郡治城西北有石夾水飛湍濬急也人亦謂之礮溪言太公常釣於此也城東門北側有太公廟廟前有碑碑云太公望者河內汲人也縣民故會稽太守杜宣白令崔瑗曰太公甫生於汲舊居猶存君與高國同宗太公載在經傳今臨此國宜正其位以

明尊祖之義於是國老王喜廷掾鄭篤功曹邵勤等

咸曰宜之遂立壇祀為之位主

水經注

太原介子推廟碑

汾水西逕晉陽城南舊有介子推祠前有碑廟宇傾

頽唯單碑獨存矣今文字剥落無可尋也

水經注

楚相孫叔敖碑

楚相孫君諱饒字叔敖本是縣人也六國時期思屬楚
楚都南郢南郢即南郡江陵縣也君受純靈之精懷絕

世之才有大賢次聖之質少見投首蛇對其母泣曰吾將
死母問其故曰吾聞見投首蛇者死今日見之母曰若
奈之何吾然行數十步念獨吾死可恐復令他人見之
死為曰埋掩其荆母曰若無憂焉其陰德立善遂為父
母九族所異及其為相布政以道考文象之度敬授民
時聚藏於山殖物於藪宣導川谷波障源淥溉灌坂澤
堤防湖浦以為池沼鍾天地之美收九羣之利以愍潤
國家家富人喜優喀樂業棧序在朝墅無螾餼豐年蕃

庶人有曾閔貞孝之行四民美好從宮中節高梱改幣
一朝而化其憂國忘私乘馬三車不別牝牡繼高陽重
菽五舉子文之統其忠信廉勇禮樂文章軌儀同制其
富國充民明天時盡地力寔堅禹稷不能踰也專國權
寵而不榮羊一旦可得百金至於歿而無分銖之蓄
破玉玦不以寶財遺子孫終始若夫去不善如絕紉辟
患害於無刑衛節高義敦良奇分自曹臧孤竹吳札子
宰之倫不能駮也生於季末仕於靈王立溷濁而澄清

靈幽晦而照明其遺武餘典悵不與滅皇帝代同世世
為列姪國左朝廷其意常墨墨若冠章甫而望塗炭也
病甚臨卒將無棺郭令其子曰優孟曾許千金貸吾孟
楚之樂長與相君相善雖言千金實不負也卒後數年
庄王置酒以為樂優孟乃言孫君相楚之功即忼慨蒔
歌曲曰貪吏而可為而不可為廉吏而可為而不可為
貪吏而不可為者當時有汙名而可為者子孫以家成
廉吏而可為者當時有清名而不可為者子孫困窮投

褐而賣新食吏常苦富廉吏常苦貧獨不見楚相孫射
教廉絜不受錢涕泣數行若闕首王王心感動覺悟問

孟孟具列對即求其子而加封焉子辭父有命如楚不

忘臣社稷

闕

而欲有賞必於潘國下濕境堉人所不貪

遂封潘鄉潘即固始也三九無嗣國絕祀廢固始令段

君夢見孫君則序其後就其故祠為架廟屋立石銘碑

春秋烝嘗明神報祚即歲遷長掖大守及期思縣宰段

君諱光字世賢魏郡鄴人庶慕先賢體德允恭篤古尊

舊奉履憲章欽翼天道五典興通文藉祭

闕

志在惠康丕枯稟之愛育

闕

杜偽養善是忠表仁感想孫

闕

勤勤愛敬念意自然刻石銘

闕

福祐期思縣興士熾孫氏

闕

漢延熹三年五月廿八日立

右楚相孫君之碑隸額今在光州延熹三年固始令
段光為叔教作廟所立昔楚莊王朝而晏罷樊姬因

言虞邱子之非虞邱乃薦叔敖代已而去楚國區區
前有虞邱後有叔敖其內又有樊姬莊王雖欲不霸
得乎左氏傳載薦叔敖為艾獵杜預皆以為叔敖它書
但云孫叔敖此碑獨言其名饒未知何據高相改弊
乃孫叔革故易俗之事左傳所云君子小人物有服
章亦是類也蛇有二首謂之枳首枳讀如枝亦曰岐
首此云技首蓋是借用鼃錯倪寬史家亦用朝與兒
字此以伍舉作五舉以庭堅作霆堅豈古亦通用乎

孫叔以忠清相楚不以寶財遺子孫玉玦尚猶破之
蓋季文子公儀休之倫也云亡未幾妻子至於披褐
賣薪楚廷非無左右大臣塗其耳而不聞卷其舌而
不談慷慨悲歌感悟主聽乃一伶人爾豈樊姬已死
而叔敖薦進之士不逮虞邱乎三九無嗣者無相繼
為三公九卿也

隸釋

碑中以刑為形以波為陂以棖為式以貸為賢以
藜為黎以驂為參以墨為默以郭為槁以長掖為

張掖泉添水而為淥澤去水而為罽又盾即質字
聚即聚字喀即游字墅即野字蟪即螟字霞即處

字塗即塗字遷即遷字鰥即鰥字

全上

汝水東逕固始縣故地北地里志縣故寢也孫叔敖
以上浸薄取而為封故能綿嗣城北猶有孫叔敖碑
建武二年司空李通又慕叔敖受邑故光武以嘉之

更名固始

水經注

期思縣城之西北隅有楚相孫叔敖廟廟前有碑

水經

注

右漢孫叔敖碑云名饒字叔敖而史記不著其名而見於他書者亦皆曰叔敖碑而已微斯碑後世遂不復知其名饒也此碑世亦罕傳余以集錄二十年間求之博且勤乃得之然則世之未見此碑者猶不知為名饒也謂予集古為無益可乎

集古錄

右漢隸不著書撰人名氏叔敖事迹著於史傳然皆謂之叔敖而已獨此碑言其名饒叔敖乃字也其他